


ARUBA BANK A RECORDA E DI 100 CUMPLEAÑOS DI FUNDADOR JOHN EMMAN

ORANJESTAD (AAN) -- Diahuebs ultimo Aruba Bank N.V a recorda e di 100 aña di nacimiento di su fundado Sr. John G.Emman, di feliz memoria. Mainta 9'or a pone un krans na pia di su graf na Santana Protestant. Tabata presente Sr. Irving Durand,



Ildefons Simon y John G.Emman (nieto) representando Aruba Bank.

Sr. John Emman a funda Aruba Bank na aña 1925, como e prome banco cu a habri su portanan riba nos pais, y desde e tempo ey e banco a implementa un impresionante tradicion caracteriza pa su contribucion esencial y continuo na e desaroyo di Aruba su economia. Ademá di e servicionan bancario tradicional, Aruba Bank ta ofrece un variacion di producto y servicionan bancario, tanto di indole individual como pa organizacionnan, incluyendo diferente sorto di deposito, facilidadnan di credito, oportunidadnan di inversion y servicio di aseguro. For di aña 1993, Aruba Bank ta propiedad di Orco Bank N.V y di e Fundacion John G.Emman. E banco a worde expande cu 5 sucursalnan distribui entre Caya Principal, San Nicolas, Noord, Paradera y L.G.Smith Boulevard.

Ademá e ta dispone di un red di 7 ATM. Shon Yotins instala den lugarnan estrategico cu e meta di provee su clientenan di e servicio mas conveniente.

Aruba Bank ta conta cu 160 empleado; hopi di nan ta prestando servicio pa mas di 20 of 30 aña consecutivo.

E banco ta duna gran sosten na programanan comunitario, y ta dedica tempo na promove programanan na fabor di e desaroyo di nos hubentud, nos grandinan y esnan menos afortuna, deporte, cultura y desaroyonan social manera e lucha contra abuso di consumo di alcohol y droga.

Fuera di ta e prome banco cu a worde establece na Aruba, Aruba Bank ta sigui ocupando su posicion di lider den e industria bancario local. Na aña 2000 Aruba Bank lo celebra su di 75 aniversario.

Riba potret momento cu a pone e krans na pia di e graf di su fundado, Sr. John Emman (q.e.p.d).